



Fylkesmannen
i Hordaland

HERDLA FUGLEOBSERVASJONSTÅRN



Offisiell opning 19. april 2018

Foto: Lars J. Berge

Herdla er utan sidestykke den mest fuglerike staden i Hordaland. Samstundes vert Herdla meir og meir attraktiv for folk som vil oppleve den spesielle naturen her. Folk som kjem til Herdla skal få oppleve fuglane på nært hald, utan at fuglelivet vert skadelidande. Det nye fugleobservasjonstårnet er ei viktig brikke for å oppnå denne visjonen.

Herdla er ein heilt spesiell stad. Dei fleste som bur i Hordaland har eit forhold til denne særeigne øya. Den har blitt eit utfartsmål for mange ulike brukargrupper, og har du først vore her, tek det gjerne ikkje lang tid før du kjem att. På godvêrsdagar er det ikkje uvanleg at fleire hundre turgåarar nyttar naturreservatet til naturoppleving og rekreasjon. Det er sjølvsagt positivt, men slett ikkje problemfritt for fuglar som skal hekke, kvile og finne mat i det same området.

Den aller viktigaste delen av naturreservatet er skjerma for ferdsle i den mest sårbare tida av året. Her har Fylkesmannen i Hordaland, i nært samarbeid med Herdla Gård og Herdla Museum, det siste tiåret gjort mykje skjøtsel for å betre vilkåra for fuglane. Sitkagran er fjerna, søppel i stranda rydda og tidlegare drenert landbruksareal er gjort om til våtmark. Tiltaka har virka: Vipa har igjen blitt ein vanleg hekkefugl her, bestanden av sandlo, tjeld og raudstilk har auka, og myrsnipa — som har vore borte som hekkefugl på Herdla sidan 1975 — har på ny begynt å hekke her. Samstundes er gravanda årvisst på plass, som den einaste staden i Hordaland.

Ein konsekvens er at folk ikkje kan nytte dette arealet fullt ut når fuglane treng det som mest. Det er eit dilemma, for kjem du til Herdla, vil du



— Miljøvern er ei viktig oppgåve hjå Fylkesmannen i Hordaland. Forvaltning av ein juvel som Herdla naturreservat er såleis ei prioritert oppgåve for oss. Difor er eg både stolt og glad for at dette observasjonstårnet endeleg har blitt ein realitet, seier fylkesmann Lars Sponheim.

Det er Fylkesmannen i Hordaland som har planlagt og realisert byggeprosjektet, med midlar frå Miljødirektoratet.

Lars Sponheim vert sjølvsagt ein sentral aktør under opningsmarkeringa 19. april.

sjølvstekt helst oppleve mest mogleg. Herdla er dessutan flat, og det er vanskeleg å få overblikk. Difor har eit eigna fugleobservasjonstårn vore eit sakk i lang tid. No er det omsider på plass. Det har tatt sine år å få planlagt, finansiert og reist bygget, men no når det endeleg er realisert er vi særst nøgde med resultatet!

Tårnet er fritt tilgjengeleg for publikum heile året. Sjølv om det ikkje er spesielt høgt, gir det eit godt oversyn over dei viktigaste delane av naturreservatet på Herdla.

Innlagt i tårnet finst også ein pumpefunksjon for dreneringsvatn. Mykje av naturreservatet på Herdla er fulldyrka areal. Under den dyrka marka ligg eit omfattande system med dreneringsgrøfter. Desse vart ført inn i eit pumpehus, som leidde vatnet vidare til sjøen. Dette pumpehuset er no fjerna, og i staden lagt inn i grunnetasjen i observasjonstårnet. Vatnet blir ført vidare derifrå til ferskvassvåtmarkene som vart konstruert i 2011, for å sikre permanent vasstiltførsle der.

Bygget var ferdigstilt 30. august 2017 og har vore mykje nytta av turgåarar og fugleinteresserte sidan då. Den offisielle opninga av tårnet finn stad **torsdag 19. april 2018 kl 1300**. Tårnet skal vere ein «satellitt» til det nye Herdla Museum, som med tida skal få fleire utstillingar om fuglelivet på Herdla. Sjølv opninga skjer på museet, der det også vert gitt ei orientering om utførte og planlagde skjøtselstiltak i Herdla naturreservat. Etter opninga kan dei som har interesse av og høve til det spasere til tårnet, der planen er å servere bålkaffi og surmelkslappar.

Alle kan delta under opninga. Det er ikkje krav om påmelding, men det er praktisk for oss om du registrerer deg på www.fylkesmannen.no/hordaland slik at vi har ein viss idé om kor mange som møter fram. Her vil du også finne eit meir detaljert program for dagen når dette er klart.



Foto: Lars J. Berge

Herdla fugleobservasjonstårn

Funksjon: Observasjonstårn og informasjonspunkt for fugle- og naturinteresserte, med innlagt pumpefunksjon for drenering av avløpsvatn.

Arkitekt: Lars Jonsson Berge (LJB AS Arkitektur og landskap)

Ferdigstilt: 30. august 2017.

Byggkostnad: NOK 1 500 000 eks. mva, planlegging og prosjektering ikkje medrekna.

Eigar: Herdla Museum.

Planlegging og finansiering: Fylkesmannen i Hordaland, med midlar frå statsbudsjettet via Miljødirektoratet.

Grunneigar: Herdla Gård.



Herdla naturreservat i 2012. Det vesle, raude skuret sentralt i framkant av biletet er det gamle pumpehuset som no er fjerna. Funksjonen er bygd inn i det nye fugleobservasjonstårnet, som står om lag på same staden. Foto: Magnus Johan Steinsvåg, Fylkesmannen i Hordaland.